



17. uagust 2012

UKA 2012/175

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiupparput:

**Qaleralinniarsinnaanermi pisassiissutit qanoq naapertuunnerusumik aalisartunullu akilersinnaanerusumik aaqqissuussiffigisinnaaneri pillugit oqallinnissamik siunnersuut**  
(Inatsisartunut ilaasortat Siverth K. Heilmann aamma Knud Kristiansen, Atassut)

**Tunngavilersuut:**

Aalisarnermut inatsit kingullermik aaqqissuuteqqimmat pisassanik pissarsisarneq (kvoter) atuutilerpoq, taassumalu ukiut siuliini tunisat aallaavigikannerlugit pisassiineq tunngavigaa.

Nunatta avammut tunisassiornerani aalisarneq annertoorejussuarmik toqqammaviuvoq. Taamaammallu aamma aalisarneq nunatsinni tunngaviulluinnarpoq, pingaartumik aalisakkat tunisassiat aalajangersimasut eqqarsaatigalugit.

Nunatsinni isorartuumi ukiumi piffissap qanoq ilinera apeqqutaalluinnarpoq aalisarnikkut inuussutissarsiornermi, tamannalu aamma tunisanut annertuumik sunniuteqartarpoq. Aalisarnikkut aaqqissuusseqqinnermi aalisartullu oqariartuutigisaattut pisassiineq amerlasuutigut naapertuutinnngitsumik aallartinneqarpoq.

Malitsigalugu aamma akuersissutit (licens) kingusissorujussuakkut inuttassaminnut apuunneqarnerat, ilanngui susaarluinnarsimannngikkaagata.

Ataqatigiissumik akuersissutit pisassiissutillu aalisartumut apuunneqartarata, aamma ukiup ingerlanissaanut soorunami aalisartumut pilersaaruseruminarnerullunilu sillimmartaarfiulluassaaq, pingaartumik umiatsiaararsortut angallatillu mikinerusunik ingerlatallit eqqarsaatigalugit.

ATASSUT-miit oqaatigissavarput, aalisarnikkut ineriartortitsinissaq pingaarluinnartutut isigigatsigu, nunatsinnilu inuusuttut aalisartunngorumaartussat, aalisartunngorusuttullu periarfissaqarluarnissaat ilungersuutigigatsigu, taakkulu siunissami patajaatsumik naatsorsuuteqarluartumillu aallartissinnaanerat tunngavissaqarluartikkumallugu.

ATASSUT-miit oqariartuutigiuarparput piujuaannartitsinerup aqqani pisuussutit uumassussillit piniarneqarlutillu aalisarneqassasut. Tamannalu aamma atuuppoq aalisarnermi pisassiissutit eqqartortillugit. Tunisassiarineqarsinnaasut peqassutsimut akornusiinngitsut naapertuuttumik agguaanerisigut, pisassiissutiginerisigut. Taamaasilluni qulakkeerneqarluni aalisartortatta ukioq aalisarfiusoq ilerasuuteqaratik aalisarnermikkut aallussivigisinnaassallugu, pilersuinerikkut, aammalu akilersuinerikkut nammakkersorneqaratik pisussaaffitik naammassisinnaanngorlugit.

Nunarput isorartoorujussuuvoq, imartarujussuarlu suli „atunngisarput“ peqassutsikkut misissuiffigalugu misileraaffigineratigut aamma qulakkiissavarput piujuaannartitsinerup iluani pisassiissutit peqassutsimut akornusiinngitsut pilersissallugit. Tamanna nunatta avataani isigineqarnitsinnut pitsaaginnarani, annertuumik aalisartunut tunisassiorfinnullu tunisassiuinnaratik aamma annertuumik suliffissaqartitsisunut mikinngitsumik iluaqutaassaaq.

Oqallilluartoqarnissaa qilanaaralugu.